



O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2023-yil 18-aprel

№ 5/3

Toshkent sh.

Ўзбекистон Республикаси Президенти Ш.Мирзиёевнинг 2022 йил 20 декабрдаги Олий Мажлис ва Ўзбекистон халқига Мурожаатномасида вазирликка юклатилган вазифаларга мувофиқ сувнинг ҳисобини очик-ошкора юритиш тизими жорий этиш, келгуси уч йилда 13 мингта сув хўжалиги объектларини рақамлаштириш ҳамда 16 та йирик насос станциясини давлат-хусусий шерикчилик асосида модернизация қилиш ва муқобил энергияга ўтказилишини таъминлаш борасида олиб борилаётган ишлар ва навбатдаги долзарб вазифалар тўғрисида

Ўзбекистон Республикаси Президенти Ш.Мирзиёевнинг 2022 йил 20 декабрдаги Олий Мажлис ва Ўзбекистон халқига Мурожаатномасида вазирликка юклатилган вазифаларга мувофиқ 16 та йирик насос станциясини давлат-хусусий шерикчилик асосида модернизация қилиш ва муқобил энергияга ўтказилишини таъминлаш борасида амалга оширилаётган ишлар юзасидан вазир ўринбосарларининг, тегишли бошқарма ва мустақил бўлим бошлиқларининг ҳамда Қорақалпоғистон Республикаси Сув хўжалиги вазири, вилоятлар ирригация тизимлари ҳавза бошқармаларининг ҳисоботларини муҳокама этиб, ҳайъат аъзолари томонидан музокара давомида билдирилган таклиф ва фикр-мулоҳазаларни эътиборга олиб, ҳисобот даврида йўл қўйилган хато-камчиликлар, эришилмаган натижалар ва қолоқликларни зудлик билан бартараф этиш юзасидан, барча даражадаги раҳбар ва мутахассисларнинг шахсий масъулияти ва жавобгарлигини кучайтириш мақсадида, ҳайъат йиғилиши

Қарор қилади:

1. Ўзбекистон Республикаси Президенти Ш.Мирзиёевнинг 2022 йил 20 декабрдаги Олий Мажлис ва Ўзбекистон халқига Мурожаатномасида вазирликка юклатилган вазифаларга мувофиқ сувнинг ҳисобини очик-ошкора юритиш тизими жорий этиш, келгуси уч йилда 13 мингта сув хўжалиги объектларини рақамлаштириш ҳамда 16 та йирик насос станциясини давлат-хусусий шерикчилик асосида модернизация қилиш ва муқобил энергияга ўтказилишини таъминлаш борасида олиб борилаётган ишлар ва навбатдаги долзарб вазифалар тўғрисидаги ахборот *маълумот ва ижро учун қабул қилинсин.*

2. Вазир ўринбосари Б.Камалов, вазирлик марказий аппаратининг бошқарма ва мустақил бўлим бошлиқлари, Қорақалпоғистон Республикаси Сув хўжалиги вазири ва барча ирригация тизимлари ҳавза бошқармаси бошлиқлари томонидан Ўзбекистон Республикаси Президенти Ш.Мирзиёевнинг 2022 йил 20 декабрдаги Олий Мажлис ва Ўзбекистон халқига Мурожаатномасида вазирликка юклатилган вазифаларга мувофиқ сувнинг ҳисобини очик-ошкора юритиш тизими жорий этиш, келгуси уч йилда 13 мингта сув хўжалиги объектларини рақамлаштириш ҳамда 16 та йирик насос станциясини давлат-хусусий шерикчилик асосида модернизация қилиш ва

муқобил энергияга ўтказилишини таъминлаш борасида олиб борилаётган ишлар қониқарсиз деб топилсин.

3. Ўзбекистон Республикаси Президенти ва Ҳукумати ҳужжатлари билан 2023 йилнинг I чорагига белгиланган прогноз кўрсаткичлар ва топшириқларнинг ижросини тўлиқ даражада таъминламаганлиги, ўз ечимини кутаётган мавжуд муаммоларни ҳал қилишда ташкилотчилик, талабчанлик ва ташаббускорлик етишмаётганлиги, ўз зиммаларига юклатилган вазифаларни бажаришда сусткашликка ҳамда хатокамчиликлар ва қолоқликларга йўл қўйганлиги учун Вазир ўринбосари Б.Камаловга кўрсатиб ўтилсин, Ахборот-коммуникация ва рақамли технологияларни ривожлантириш бўлими бошлиғи Х.Разметовга *огоҳлантириш эълон қилинсин.*

Белгилаб қўйилсинки, 2023 йилнинг I чораги давомида йўл қўйилган хато ва камчиликлар ҳамда қолоқликлар бартараф қилинмаганда, ҳозирги кунда ўз ечимини кутаётган масалалар ҳал қилинмаганда, шунингдек, Ўзбекистон Республикаси Президенти ва Ҳукумати ҳужжатлари билан жорий йилнинг I ярим йиллигига белгиланган прогноз кўрсаткичлар ва топшириқлар ижроси ўрнатилган муддатларда, тўлақонли ва сифатли таъминланмаган тақдирда вазир ўринбосарининг масъулияти юзасидан Вазирлар Маҳкамасига таклиф киритилади, вазирлик марказий аппаратининг бошқарма ва мустақил бўлим бошлиқларига нисбатан эса Ўзбекистон Республикаси Меҳнат кодексининг 181-моддасига асосан эгаллаб турган лавозимидан озод этишгача бўлган интизомий жазо чоралари қўлланилади.

4. Вазир ўринбосари Б.Камалов, Давлат-хусусий шериклик ва аутсорсинг хизматини ривожлантириш бўлими бошлиғи в.б. А.Дувлонов, Насос станциялари ва электр энергиясидан оқилона фойдаланиш бўлими бошлиғи в.б. О.Абдуллаев:

1 майга қадар 16 та насос станцияларни модернизация қилиш ва муқобил энергияга ўтказиш бўйича “Sustainable Energy Services International” SESI (Янги Зеландия) ва “Micara UG” (Германия) консорциум компаниялари ҳамда “Metito Utilities Limited” (Буюк Британия) ва “Alcazar energy” (БАА) компаниялари томонидан ушбу лойиҳаларни амалга ошириш мақсадида етарлича ишлар амалга оширилмаётганлиги бўйича тегишли чораларни кўриш;

1 августга қадар Давлат шериги ташаббуси билан мазкур 16 та йирик насос станцияларни модернизация қилиш ва муқобил энергияга ўтказиш бўйича лойиҳани амалга ошириш юзасидан лойиҳа концепциясини ишлаб чиқиш ва лойиҳани амалга оширишда талабгорларни аниқлаш учун расмий веб-сайтларга эълонга бериш бўйича лойиҳа ҳужжатларини ишлаб чиқишга ҳорижий консультантларни жалб қилиш юзасидан Иқтисодиёт ва молия вазирлиги билан келишиш вазифалари топширилсин.

5. Ушбу ҳайъат йиғилиши қарорининг ижросини назорат қилиш вазир ўринбосари Б.Камалов зиммасига юклатилсин.

Ҳайъат раиси



Ш. Хамраев